

Na osnovu člana 10. i 12. Zakona o udruženjima i fondacijama Bosne i Hercegovine (Službeni glasnik BiH 32/01 i 42/03) i člana 22. Zakona o sportu u Bosni i Hercegovini (Sl. Glasnik BiH 27/08 i 02/09) Skupština Saveza sjedeće odbojke Bosne i Hercegovine, održanoj dana 28.11.2024 godine u Kaknju, donosi:

STATUT

Saveza sjedeće odbojke Bosne i Hercegovine

OSNOVNE ODREDBE

Član 1

Savez je osnovan odlukom o osnivanju koja je usvojena dana 30.01.2006 godine na osnivačkoj skupštini Saveza u skladu sa Zakonom o udruženjima i fondacijama Bosne i Hercegovine.

Član 2

Ovim Statutom u skladu sa članom 12. zakona utvrđuje se:

- puni naziv Saveza, skraćeni naziv Saveza, sjedište Saveza
- ciljevi Saveza
- postupak prijema i isključenja članova Saveza
- organi Saveza, način na koji se biraju, ovlaštenja koja imaju, kvorum i pravila glasanja, trajanje mandata osobe ovlaštene za saziv Skupštine, uslov za prestanak rada
- pravila za ostvarivanje, upotrebu i raspolaganje sredstvima Saveza kao i tijela koja su ovlaštena za nadzor i upotrebu tih sredstava
- javnost rada
- postupak izmjene i dopune Statuta, ovlaštenja i način donošenja drugih općih akata
- opis, oblik i sadržaj pečata
- zastupanje Saveza
- uslovi za postupak za pripajanje, razdvajanje, transformiranje ili prestanak rada Saveza
- postupak za raspolaganje preostalim imovinom ili drugim sredstvima u slučaju prestanka rada Saveza.

Naziv i sjedište Saveza

Član 3

Puni naziv Saveza je
Savez sjedeće odbojke Bosne i Hercegovine
Savez sjedeće odbojke Bosne i Hercegovine
Савез сједеће одбојке Босне и Херцеговине

Skraćeni naziv

SSO BiH

SSO BiH

ССО БИХ

Naziv na engleskom jeziku

ASSOCIATION SITTING VOLLEYBALL OF BOSNIA AND HERZEGOVINA

Član 4

Sjedište Saveza je u Sarajevu, Ulica Alipašina bb Olimpijska dvorana „Juan Antonio Samaranch“.

Član 5

Savez djeluje na cijelom području Bosne i Hercegovine.

STATUSNA OBILJEŽJA

Član 6

Znak Saveza je štitastog oblika sa jasnom asocijacijom na forme i kolorit Državnih obilježja (grba i zastave) Bosne i Hercegovine.

U središtu štita tamno plave boje nalazi se stilizovana geografska forma Bosne i Hercegovine žute boje, na kojoj je aplicirana stilizovana forma igrača odbojkaša tamno plave boje, u karakterističnoj pozi za sjedeću odbojku.

Iznad ove forme aplicirana je forma lopte žute boje, kao asocijacija na osnovni karakter sporta, odnosno prebacivanje lopte preko prepreke tj mreže.

Šest zvijezda bijele boje, duž lijeve ivice grba su asocijacija na šest igrača jedne ekipe u terenu.

Član 7

Savez je pravno lice sa svim pravima, obavezama i odgovornostima utvrđenim Zakonom i ovim Statutom. Svojstvo pravnog lica stiče upisom u Registar udruženja kod nadležnog ministarstva.

Član 8

Savez za preuzete obaveze odgovara svojom imovinom (puna odgovornost).
Savez ima svoj žiro račun.

Član 9

Ovisno od interesa, a u skladu sa zakonskim propisima i ovim Statutom Savez se može učlaniti u međunarodne organizacije, te pristupiti u druge Saveze koji se bave unapređenjem sporta, a posebno sjedeće odbojke.

Pečat Saveza

Član 10

Savez ima svoj pečat. Pečat je okruglog oblika prečnika 35 mm sa natpisom po obodu Savez sjedeće odbojke Bosne i Hercegovine , sjedište Sarajevo i znakom u sredini. Savez može imati i druge pečate. Upotreba pečata reguliše se posebnim pravilnikom koga donosi Upravni odbor Saveza.

Ciljevi odnosno djelatnosti Saveza

Član 11

Ciljevi odnosno djelatnosti Saveza su:

- međusobno povezivanje članova u cilju animiranja osoba sa invaliditetom sa se bave sportom, a posebno sjedećom odbojkom,
- Afirmiranje i razvoj sjedeće odbojke na cijeloj teritoriji Bosne i Hercegovine,
- Organizacija i promocija sjedeće odbojke prema pravilima međunarodnih organizacija (ECVD i WOVD) i prema pravilima Saveza,
- Usklađivanje zajedničkih interesa, ciljeva i potreba razvoja sjedeće odbojke na svim nivoima,
- Utvrđivanje kriterija za izbor i usavršavanje državnih sudija i kandidata za međunarodne sudije,
- Definiše uslove, planove i način usavršavanja i školovanja stručnih kadrova trenera, sudija i drugih stručnih lica Saveza,
- Organizuje i sprovodi sistem takmičenja, u Bosni i Hercegovini i na međunarodnom planu,
- Utvrđuje kriterije i pravila za finansiranje određenih sportskih djelatnosti koje Savez ostvaruje vlastitim aktivnostima,
- Utvrđuje kriterije i način dodjeljivanja priznanja i nagrada,
- Predstavlja Bosnu i Hercegovinu na međunarodnom takmičenju,
- Informiše javnost o sveukupnom razvoju i rezultatima sjedeće odbojke,
- animira i organizuje žensku sjedeću odbojku,
- vodi računa o zdravstvenoj zaštiti takmičara,
- vodi računa o zaštiti sportista od dopinga i nedozvoljenih sredstava,
- Izdaje knjige, brošure i druge publikacije a u cilju afirmacije sjedeće odbojke,
- Organizuje seminare, okrugle stolove, debate i druge stručne skupove,
- Sarađuje sa istim ili sličnim organizacijama i savezima i drugim organima i organizacijama u zemlji i inostranstvu.

Način učlanjenja , prava, dužnost i odgovornost

Član 12

Svojsvo udružene članice Saveza imaju – ima članica koja je registrovana kod nadležnog organa i koja prihvata Statut i ciljeve Saveza.

Član 13

Članstvo u Savezu je dobrovoljno.

Član 14

Prijem u članstvo vrši se na osnovu zahtjeva za prijem u članstvo, izjave o prihvatanju ciljeva i Statuta Saveza, odluke nadležnog organa pravnog lica koje podnosi zahtjev, izvoda iz registra da je pravno lice registrovano kod nadležnog organa.

Član 15

Odluku da je pravno lice primljeno u Savez donosi Upravni odbor Saveza. Protiv odluke Upravnog odbora Saveza može se izjaviti žalba u roku od 30 dana Skupštini Saveza čija je odluka konačna.

Član 16

Udružene članice imaju ista prava, obaveze i odgovornosti.

Član 17

Statut i opća akta udružene članice moraju biti u skladu sa zakonom, ovim Statutom i općim aktima Saveza.

Član 18

Članstvo u Savezu može prestati:

- brisanjem iz registra udružene članice, odnosno kada prestaje svojstvo pravnog lica.
- odlukom Skupštine udružene članice.
- odlukom Upravnog odbora Saveza na koju se udružene članice može žaliti u roku od 30 dana Skupštini Saveza čija je odluka konačna,
- članstvo prestaje i ako udružena članica samoinicijativno podnese zahtjev da ne želi biti više udružena članica. Udružena članica mora najaviti istupanje najmanje 60 dana prije istupanja.

Član 19

Udružene članice Saveza u smislu člana 18. ovog Statuta kojoj prestanu svojstva udružene članice dužno je u cjelosti izmjeniti svoje obaveze prema Savezu.

Član 20

Članovi Saveza imaju slijedeća prava i obaveze:

- da biraju i da budu birani u organe Saveza,
- da aktivno učestvuju na ostvarenju ciljeva Saveza,
- da redovno i blagovremeno budu obavješteni o aktivnostima Saveza,
- da sarađuju sa ostalim članovima Saveza,
- da čuvaju i podižu ugled Saveza,
- da uredno plaćaju svoje obaveze preuzete utvrđenim Statutom i općim aktima Saveza.

Član 21

Pravo da biraju i da budu birani u organe Saveza i kao da učestvuju u radu organa, članovi Saveza ostvaruju putem zastupnika ovlaštenih od strane nadležnih organa članica Saveza.

Organi Saveza

Član 22

Organi Saveza su:

- Skupština Saveza,
- Upravni odbor Saveza,
- Nadzorni odbor Saveza.

Skupština Saveza

Član 23

Najviši organ upravljanja u okviru prava, dužnosti i odgovornosti je Skupština.

Član 24

Skupština kao najviši organ Saveza je nadležna:

- donošenje Statuta, izmjene i dopune Statuta i drugih akata određenih Statutom,
- odlučivanje o pripajanju, razdvajanju, transformiranju, raspuštanju i prestanku rada, kao i drugim Statusnim promjenama Saveza,
- imenovanje i razrješavanje predsjednika Skupštine, članova Upravnog odbora, predsjednika i 2 (dva) dopredsjednika Upravnog odbora, članova Nadzornog odbora i drugih organa Saveza,
- usvajanje izvještaja Upravnog odbora, Nadzornog odbora i drugih organa Saveza,
- odlučuje i o ostalim pitanjima bitnim za rad Saveza.

Član 25

Sve članice Saveze delegiraju po jednog člana Skupštine, a na prijedlog članice. Skupština donosi punovažne odluke i zaključke ako istoj prisustvuje najmanje 1/2 (jednopolovina) delegata /izuzetak su odluke propisane članom 56. i 58. ovog Statuta/, a odluke i zaključci su punovažni ako za njih glasa nadpolovična većina prisutnih delegata.

Mandat predstavnika udružene članice je 4 (četiri) godine.

Predstavniku u Skupštini Saveza mandat može prestati i prije isteka mandata na koji se izabran u slučaju:

- njegova opoziva,
- podnošenjem ostavke na funkciju predstavnika Saveza,
- nastupa takvih okolnosti zbog kojih predstavnik ne bi više mogao obavljati dužnost u Skupštini Saveza.

Opoziv predstavnika vrši se na način i po postupku, predviđen za njegovo predlaganje odnosno izbor.

Mandat naknadno izabranog predstavnika traje do isteka mandata Skupštine Saveza u kojoj je izabran.

Ukoliko predstavnik kojem je mandat prestao prije roka na koji je izabran bio i član Upravnog odbora Saveza o izboru člana Upravnog odbora odlučuje Skupština Saveza s tim da novopredloženi član Upravnog odbora koga je predložila baza i izabrala Skupština može učestvovati u radu Upravnog odbora sa pravom glasa do isteka mandata u Skupštini Saveza.

Član 26

Predstavnik udružene članice u Skupštini Saveza ima pravo, dužnosti i obaveze da:

- aktivno sudjeluje u radu Skupštine Saveza i drugih Organa Saveza u koje je izabran
- zauzima stavove o pitanjima o kojima odlučuje Skupština Saveza i njeni Organi,
- da o radu Skupštine i o svom radu u njoj izvješćuje udruženu članicu koju predstavlja,
- pokreće rasprave o pitanjima iz djelokruga rada Saveza i predlaže donošenje odgovarajućih odluka,
- sudjeluje i u izvršavanju zadataka utvrđenih odlukama i zaključcima Skupštine Saveza i njenih organa i tijela, a koji će doprinosti boljem ostvarivanju ciljeva i zadataka Saveza,
- postavlja pitanja i traži odgovore iz djelokruga aktivnosti Saveza,
- traži objašnjenja i podatke koji su mu potrebni za vršenje dužnosti predstavnika u Skupštini Saveza

Predstavnik u Skupštini Saveza dužan je da redovno prisustvuje sjednicama Skupštine Saveza.

Član 27

Skupština Saveza odlučuje o svim pitanjima na sjednicama Skupštine Saveza. O donošenju Statuta, izmjenama i dopunama Statuta, Skupština Saveza odlučuje 2/3 (dvotrećinskom) većinom od ukupnog broja predstavnika u Skupštini Saveza, a nakon sprovedene procedure. Skupština Saveza odlučuje većinom glasova svih predstavnika udruženih članica prisutnih na sjednici skupštine

- o donošenju Programa rada, razvoja i Programa parolimpijskog ciklusa,
- o izboru i imenovanju, te odluke o razrješenju u skladu sa ovim Statutom,
- o utvrđivanju uslova za organizovanje takmičenja i donošenju sistema takmičenja,
- o donošenju Pravilnika koji su potrebni za rad Saveza,
- o udruživanju novih članica (u drugom stepenu),
- o razrješenju članica .

O ostalim pitanjima Skupština Saveza odlučuje većinom prisutnih predstavnika udruženih članica prisutnih na sjednici skupštine (izuzev u članu 58. ovog Statuta).

Član 28

Sjednice Skupštine Saveza redovne i vanredne saziva i predsjedava im predsjednik Skupštine Saveza. Predsjednik Skupštine može sazvati u posebnim okolnostima sjednicu Skupštine ako se za to u pisanoj formi izjasni više od 1/3 delegata članica Saveza. Sjednicom Skupštine rukovodi predsjednik Skupštine, a u slučaju opravdane odsutnosti predsjednika skupštine, skupštinom rukovode generalni sekretar i predsjednik saveza. U slučaju spriječenosti ili odsutnosti predsjednika Skupštine Saveza, sjednicu saziva i predsjedava najstariji član Skupštine Saveza kojeg ovlasti predsjednik Skupštine Saveza, a ukoliko to nije moguće, Skupština će na samoj sjednici izabrati predsjedavajućeg Skupštine Saveza.

Predsjednik Skupštine Saveza može sazvati On-line ili telefonsku sjednicu Skupštine Saveza.

Član 29

Sjednice Skupštine Saveza sazivaju se najmanje jednom godišnje. Vanredna Skupština Saveza mora se sazvati na temelju zahtjeva više od 1/3 (jedne trećine) udruženih članica, Upravnog odbora i Nadzornog odbora.

Svake četiri godine na početku olimpijskog-paraolimpijskog ciklusa održava se Izborna Skupština Saveza.

Član 30

Skupština Saveza donosi Poslovnik o svom radu kojim se utvrđuju uslovi za rad predstavnika u Skupštini, postupak za donošenje odluka i drugih normativnih akata, način glasanja, način sazivanja, način obavljanja javne rasprave kao i dr. pitanja od značaja za efikasan i racionalan rad Skupštine Saveza. Poslovnik o svom radu Skupština donosi većinom od ukupnog broja prisutnih predstavnika na sjednici.

Predsjednik Skupštine Saveza

Član 31

- Predsjednika Skupštine Saveza bira Skupština Saveza iz reda delegata,
- Predsjednik Skupštine Saveza saziva i predsjedava Skupštinom,
- Predlaže dnevni red,
- Potpisuje akta koja donosi Skupština,
- Stara se o primjeni Statuta i Poslovnika o radu Skupštine,
- Saziva vanrednu ,on-line i telefonsku sjednicu Skupštine po proceduri i na načinu utvrđen ovim Statutom,
- Stara se o provođenju zaključaka i odluka Skupštine,
- Predstavlja i zastupa Savez,
- Prisustvuje sjednicama Upravnog odbora Saveza BiH bez prava glasa,
- Predsjednika Skupštine za vrijeme spriječenosti zamjenjuje član predstavnik u Skupštini koga odredi predsjednik ili Skupština,
- Predsjednik Skupštine obavlja i druge poslove i zadatke koje mu u nadležnost da Skupština Saveza

Mandat predsjednika Skupštine traje 4 (četiri) godine uz mogućnost ponovnog izbora.

Nadzorni odbor Saveza

Član 32

Savez radi praćenja zakonitosti i izvršenja dogovorenih ciljeva i zadataka ima Nadzorni odbor Saveza čije članove imenuje Skupština Saveza. Članovi Nadzornog odbora Saveza biraju se iz članica saveza, a može se predložiti i treće lice ekonomске ili pravne struke.

Nadzorni odbor Saveza ima 3 (tri) člana.

Na prvoj sjednici članovi Nadzornog odbora Saveza biraju iz svojih redova Predsjednika Nadzornog odbora.

Mandat članova Nadzornog odbora je 4 (četiri) godine uz mogućnost ponovnog izbora.

Član 33

Nadzorni odbor Saveza:

- kontroliše provođenje zakonitosti rada i poslovanja Saveza,
- kontroliše izvršenje zakonskih,ugovorenih i drugih obaveza Saveza,
- kontroliše poštivanje i izvršenje odredaba, Statuta i drugih normativnih akata Saveza i njegovih Organa,
- kontroliše i analizira ostvarenje utvrđene finansijske politike i finansijskog plana Saveza,
- predlaže mjere koje bi trebalo preduzeti za sprečavanje i otklanjanje nepravilnosti rada Saveza,
- preduzima i druge mjere u vezi sa svojim poslovima i zadatcima i djelokrugom rada,

O uočenim nepravilnostima Nadzorni odbor obavještava Skupštinu Saveza, odnosno Organ u čijem je radu nastala nepravilnost.

Ako se uočene nepravilnosti blagovremeno neotklone dužan je o tome obavjestiti finansijske Organe kontrole i inspekcije kao i nadležno Ministarstvo BiH.

Član 34

Nadzorni odbor Saveza za svoj rad odgovoran je Skupštini Saveza i njoj podnosi izvještaj o svom radu i nalazima kontrole.

Član 35

Organi Saveza i Stručna služba koja vodi poslove Saveza dužna je Nadzornom odboru Saveza pružiti sve potrebne i tražene podatke, omogućiti uvid u dokumentaciju i osigurati uslove za rad. Sastav i način rada Nadzorni odbor Saveza propisuje se Poslovníkom o radu Nadzornog odbora Saveza koga predlaže Nadzorni odbor, a donosi i potvrđuje Skupština Saveza.

Upravni odbor Saveza

Član 36

Upravni odbor Saveza (u daljnjem tekstu UO) je organ Saveza. UO Saveza ima 9 (devet) članova koje bira Skupština saveza na prijedlog članica saveza.

UO Saveza bira Skupština saveza na prijedlog članica saveza i to:

SSO KS.....2 člana

a prijedlog dolazi iz klubova sjedeće odbojke OKI Fantomi, SDI Spid, UOKI Općina Ilidža, SDI Igman, a i SSO KS može imati svoj prijedlog,

SSO ZDK.....2 člana

a prijedlog dolazi iz klubova sjedeće odbojke KSO Čelik 07, KSO Bosna, OKI Zenica 92, KSO Kakanj, SKISO Breza 304, OKI Breza, OKI Zavidovići, OKI A.S. Huso, a i SSO ZDK može imati svoj prijedlog,

SSO TK.....2 člana

a prijedlog dolazi iz klubova sjedeće odbojke OKI Sinovi Bosne, OKI Kalesija, KSO Čelić, KSO Tigar 119, OKI Drina, OKI Živinice, OKI 26 August, a i SSO TK može imati svoj prijedlog,

Klubovi SBK.....1 član

a prijedlog dolazi iz klubova sjedeće odbojke KSO Iskra, SKISO Sloga, OKI Vitez

Klubovi Brčko Distrikta.....1 član

a prijedlog dolazi iz klubova sjedeće odbojke OKI Brčko i OKI Jedinstvo-Boće

Klubovi iz HNK i USK.....1 član

a prijedlog dolazi iz klubova sjedeće odbojke SDIO Neretva i OKI Bužim

Kandidati za članove UO saveza su izabrani oni kandidati za koje je glasala nadpolovična većina ukupno prisutnih predstavnika Skupštine Saveza.

Ako lista kandidata za članove UO Saveza ima više kandidata iz pojedinih članica od broja predviđenog za izbor, izabrani su oni kandidati koji imaju više glasova prisutnih predstavnika u Skupštini sistemom eliminacije viška članova od predviđenog broja.

Predsjednik i dopredsjednici Saveza biraju se iz reda UO Saveza na prijedlog članica Saveza, a ako ima više kandidata za pojedine funkcije/organe izabrani su oni kandidati koji imaju više glasova prisutnih predstavnika na Skupštini saveza.

Na isti način biraju se predsjednik Skupštine Saveza i Generalni sekretar Saveza.

UO Saveza rukovodi radom saveza u skladu sa Statutom i drugim aktima saveza.

Sjednicama UO Saveza po potrebi prisustvuju Selektori, treneri, kapiteni, predsjednici komisija, predsjednik Skupštine i drugih organa, kada se vodi rasprava i donose odluke iz njihovih nadležnosti s pravom predlaganja, a bez prava odlučivanja.

Članovi UO nemogu biti predsjednik i članovi NO.

Mandat članova UO saveza traje četiri /4/ godine uz mogućnost ponovnog izbora, ako ih predlože članice Saveza i budu izabrani na Skupštini Saveza

Član 37

- UO Saveza kao izvršni organ Skupštine Saveza vrši slijedeće poslove i zadatke:
- provodi utvrđenu politiku razvoja sjedeće odbojke u BiH koju utvrdi Skupština Saveza,
 - utvrđuje prijedloge Statuta, njegovih izmjena i dopuna i drugih normativnih akata Saveza,
 - predlaže donošenje srednjoročnih planova razvoja i Programa olimpijskog ciklusa, Godišnjeg programa, Finansijskog plana, te prijedlog Završnog računa Saveza,
 - predlaže uslove za organizovanje sportskih takmičenja u državi i sistem takmičenja Saveza,
 - provodi stavove, odluke i zaključke Skupštine Saveza,
 - izvršava Finansijski plan Saveza i u okviru Finansijskog plana odlučuje o rasporedu i dinamici korištenja sredstava u skladu sa prilivom sredstava, vrši usklađivanje – rebalans Finansijskog plana u toku godine, a u skladu s utvrđenom politikom Saveza,
 - imenuje direktora, selektore i trenere Reprezentacija sjedeće odbojke BiH,
 - stara se o pripremama i nastupima Reprezentacija i realizaciji Programa za međunarodne saradnje,
 - predlaže, bira i opoziva predstavnika Saveza u druge organe, organizacije i institucije,
 - razmatra pitanja iz udruženih članica i preduzima odgovarajuće mjere za unapređenje njihovog rada,
 - imenuje članove žirija za dodjeljivanje godišnjih nagrada i priznanja i izbora sportiste godine u sjedećoj odbojci i usvaja koncepciju njihove dodjele,
 - određuje predstavnike Saveza na međunarodnim, državnim i drugim skupovima,
 - donosi Pravilnik o Reprezentaciji BiH u sjedećoj odbojci i druge pravilnike iz oblasti rada komisija koje formira UO SSO BiH,
 - daje mišljenje i saglasnost za organizovanje Međunarodnih i takmičenja koja se održavaju u BiH,
 - donosi Godišnji Program svog rada,
 - donosi Poslovnik o svom radu,
 - imenuje lica u Stručnoj službi Saveza,
 - odlučuje o organizovanju i načinu obavljanja stručnih, administrativno – tehničkih i drugih poslova za potrebe Saveza,
 - odlučuje o organizovanju seminara za osposobljavanje, školovanje i usavršavanje stručnih kadrova i pripremu sportista i sportskih škola,
 - stvara uslove i mogućnost za rad komisija,
 - radi i druge poslove koje joj u nadležnost da Skupština Saveza.

Član 38

UO razmatra i odlučuje o svim pitanjima na sjednicama UO. Sjednice UO Saveza održavaju se po potrebi, a najmanje tri puta godišnje.

UO može raditi i odlučivati ako je sjednici prisutno sedam /7/ članova UO. U tom slučaju odluke su punovažne ako je za njih glasalo najmanje 5 /pet/ članova UO prisutnih na sjednici UO.

UO Saveza donosi odluke javnim glasanjem, osim u slučaju kada odluči da odluke donosi tajnim glasanjem.

Član 39

Sjednice UO saziva i predsjedava im Predsjednik Saveza. U slučaju spriječenosti ili odsutnosti Predsjednika Saveza sjednice saziva i predsjedava im generalni sekretar. Sjednice UO sazvat će se i na zahtjev najmanje 3 (tri) člana Nadzornog odbora. Predsjednik UO Saveza može sazvati telefonsku ili On-line sjednicu UO Saveza.

Član 40

Skupština Saveza može opozvati cijeli Upravni odbor ili pojedinačnog člana i prije isteka mandata ako ne obavlja dužnost u skladu sa odredbama ovog Statuta odnosno u skladu sa odlukama Skupštine Saveza.

UO Saveza ili član UO Saveza opozivaju se po postupku po kom su izabrani.

Član 41

Upravni odbor Saveza ima svoje stalne komisije:

- disciplinska komisija,
- trenerska komisija,
- sudijska komisija,
- komisija za registraciju,
- takmičarska komisija,
- komisija za propise,
- komisija za međunarodne veze i odnose
- komisija za marketing i odnose sa javnošću,
- Komisije broje 3 (tri) člana, a njihov mandat traje 4 (četiri) godine uz mogućnost ponovnog izbora.

Član 42

Za pripremu prijedloga i stručnu obradu pojedinih pitanja iz svoje nadležnosti UO Saveza formira i povremene komisije kao stručne timove.

Odlukom o imenovanju stalnih i povremenih komisija UO Saveza utvrđuje sastav, djelokrug rada i ovlaštenje povremenih komisija.

Predsjednik Saveza

Član 43

Savez ima predsjednika i dva dopredsjednika koje bira Skupština Saveza iz redova Upravnog odbora.

Član 44

Predsjednik Saveza u oviru svojih prava, dužnosti i odgovornosti:

- predstavlja i zastupa Savez,

- saziva i predsjedava sjednicama UO Saveza,
- potpisuje normativna i druga pravna akta koja donosi UO Saveza,
- brine o izvršenju odluka, zaključaka, prijedloga i mišljenja utvrđenih i donešenih od strane Supštine i UO Saveza,
- stara se o ostvarivanju Programa rada Saveza, predlaže skupštinske mjere i postupke za efikasnije ostvarenje funkcije Saveza, odgovara za savjesno i ažurno obavljanje poslova UO Saveza, predstavlja i zastupa Savez po potrebi, podstiče aktivnosti članica Saveza sjedeće odbojke Saveza, stara se za sprovođenje Statuta i svih akata Saveza,
- obavlja i druge poslove utvrđene ovim Statutom i drugim normativnim i općim aktima Saveza. Potpisnik je žiro računa,
- za vrijeme spriječenosti funkciju predsjednika obavlja jedan od dopredsjednika, koji dok obavlja dužnost predsjednika ima ista prava i obaveze.
- dopredsjednici Saveza ne zastupaju Savez u pravnom prometu.

Član 45

Predsjednik Saveza mora Skupštini predložiti – podnijeti plan svog rada u okviru Saveza.

Član 46

Predsjednika Saveza i dopredsjednika Saveza bira Skupština Saveza iz redova UO na period od 4 (četiri) godine uz mogućnost ponovnog izbora.

Generalni sekretar Saveza

Član 47

Generalni sekretar Saveza bira se iz redova delegata Skupštine Saveza na prijedlog članica Saveza.

Generalni sekretar Saveza u okviru prava, dužnosti i odgovornosti:

- predstavlja i zastupa Savez,
- u slučaju spriječenosti Predsjednika i dopredsjednika vodi sjednice UO Saveza,
- potpisnik je žiro računa i drugih računa Saveza,
- koordinira radom komisije Skupštine i UO Saveza,
- stara se o pravno – tehničkoj uređenosti odluke Skupštine, UO, komisija Skupštine i UO Saveza,
- stara se o sprovođenju odluka Skupštine UO i komisija Saveza,
- priprema inicijative i prijedloge za UO i Skupštinu Saveza,
- ostavlja saradnju sa sportskim organizacijama u BiH i inostranstvu,
- radi i druge poslove koje mu u nadležnost stavi Skupština i UO Saveza a u skladu sa Statutom i zakonom.

Mandat Generalnog sekretara traje 4 (četiri) godine uz mogućnost ponovnog izbora.

PREDSTAVLJANJE I ZASTUPANJE SAVEZA

Član 48

Savez u pravnom prometu predstavlja i zastupa Predsjednik Saveza, Predsjednik Skupštine Saveza i Generalni sekretar Saveza. Upravni odbor Saveza može donijeti odluku kojom će ovlastiti i druga lica da predstavljaju Savez u pravnom prometu, a to mogu biti stručna lica iz oblasti za koju Savez iskaže potrebu (pravnici, advokati, notari)/. Upravni odbor će utvrditi odnosno ograničiti ovlašteno lice, posebnim aktom, za predstavljanje i zastupanje saveza.

JAVNOST RADA SAVEZA

Član 49

Rad Saveza i njegovih organa je javan. Javnost rada Saveza i njegovih organa ostvaruje se:

- javnim održavanjem sjednica Saveza i njegovih organa,
- blagovremenim, objektivnim i stručnim informisanjem udruženih članica o aktivnostima organa Saveza,
- pravovremenim dostavljanjem materijala za raspravu predstavnicima udruženih članica, sredstvima javnog informisanja i drugim zainteresovanim organizacijama, zajednicama i institucijama,
- obavještanjem predstavnika javnog informisanja i drugih sredstava javnog saopštavanja o održavanju sjednica organa Saveza.

Član 50

Organi Saveza samo u posebnim slučajevima mogu raditi bez prisustva javnosti, a o razlozima takvog postupka dužni su obavjestiti članice.

NAČIN STICANJA, KORIŠTENJA I RASPOREĐIVANJA SREDSTAVA SAVEZA

Član 51

Sredstva za poslovanje Saveza obezbjeđuju se iz slijedećih izvora:

- iz sredstava za sport BiH u skladu sa zakonom,
- donacija, sponzorstva, priloga,
- prihoda od igara na sreću u skladu sa zakonom,
- prihoda od imovine,
- prihoda od ulaznica i slično,
- prihoda od marketinga,
- ostalih prihoda,
- članarine udruženih članica.

Ova sredstva su strogo namjenska i mogu se koristiti isključivo za poslovanje i zadatke prihvaćene Godišnjim planom i Programom rada Saveza i tinskog plana Saveza. Prihodi ostvareni vlastitom djelatnošću se vode na posebnim stavkama po izboru ostvarenja i o njihovom trošenju odluku donosi UO Saveza.

Član 52

Raspodjela finansijskih sredstava vrši se Finansijskim planom Saveza u skladu sa Programom rada Saveza.

Finansijskim planom utvrđuje se:

- sredstva Saveza za vršenje zajedničkih i posebnih zadataka Saveza,
- sredstva udruženih članica za izvršenje zajedničkih i dogovorenih programa i zadataka u okviru Saveza,

- sredstva za funkcionisanje Stručne službe Saveza ako je formirana,
- prihodi i rashodi Saveza utvrđuju se Finansijskim planom koji donosi Skupština Saveza i koji se može mijenjati u toku godine. Izmjene i dopune (rebalansa) Finansijskog plana Saveza vrši UO Saveza. Naredbodavac za izvršenje Finansijskog plana je UO Saveza.

Član 53

Savez može sticati pokretnu i nepokretnu imovinu. UO Saveza donosi odluku o Sticanju, prodaji, prenosu na druga pravna lica ili davanju u zakup pokretnu i nepokretnu imovinu.

Član 54

Materijalno – finansijsko poslovanje Saveza i Stručne službe Saveza organizira se i vodi u skladu sa Propisima o materijalno – finansijskom poslovanju i općim i normativnim aktima Saveza.

NAČIN IZVRŠENJA STRUČNIH, ORGANIZACIONIH I ADMINISTRATIVNIH POSLOVA SAVEZA

Član 55

Za obavljanje stručnih, administrativnih, finansijskih, materijalnih, tehničkih i pomoćnih poslova, Savez može osnovati Stručnu službu Saveza:

- u dogovoru sa drugim pravnim licima osnovati zajedničku Stručnu službu,
- prema potrebi obavljanja poslova u cijelosti ili djelimično povjeriti drugom za to osposobljenom pravnom licu,
- način rada, sastav i obim poslova Stručne službe Saveza navedene u ovom članu uređuje se posebnom odlukom ili aktom Upravnog odbora Saveza.

Za stručno i blagovremeno izvršavanje poslova odgovoran je Predsjednik Saveza i Generalni sekretar Saveza.

NAČIN DONOŠENJA STATUTA

Član 56

Inicijativu za izmjene i dopune Statuta može podnijeti svaki član Saveza. Inicijativa se podnosi UO Saveza pismenim putem i sa odgovarajućim obrazloženjem Prijedlog za izmjene i dopune Statuta UO Saveza.

Utvrđeni prijedlog dostavlja se Skupštini Saveza pismenim putem sa obrazloženjem i prijedlogom za usvajanje, najmanje 30 dana prije održavanja Skupštine Saveza.

Statut Saveza, izmjene i dopune Statuta donosi Skupština ako za njega glasa 2/3 (dvije trećine) od ukupnog broja predstavnika udruženih članica prisutnih na Skupštini Saveza.

Član 57

Sve izmjene i dopune Statuta vrše se na način i po postupku navedenom u članu 56 ovog Statuta. Savez je dužan i obavezan pristupiti izmjenama i dopunama Statuta koje nastaju na osnovu Zakona ili drugih zakonskih pozitivnih propisa i bez saglasnosti i prijedloga udruženih članica.

PRESTANAK RADA SAVEZA

Član 58

Savez prestaje sa radom:

- ako na način utvrđen ovim Statutom istupi više od polovine članica Saveza,
- ako članice nemaju više interesa za postojanjem Saveza,
- ako se zakonom zabrani rad Saveza,
- ako nema uslova za rad Saveza.

Odluku o prestanku rada Saveza donosi Skupština Saveza ako za tu odluku se izjasni više od 2/3 (dvije trećine) predstavnika u Skupštini Saveza.

Član 59

Kod prestanka rada Saveza imovina, stvari, prava i novac kojim raspolaže Savez, nakon izmirenja zakonskih obaveza rasporedit će se prema odluci Skupštine Saveza.

Član 60

Ovaj Statut stupa na snagu danom donošenja, a primjenjuje se od dana upisa u registar kod nadležnog ministarstva.

Kakanj, 28.11.2024 godine

Broj 29-1427/24

Predsjednik Skupštine

Tarik Smailbegović